

Reglur um umhverfisviðurkenningar Reykjanesbæjar

1. gr

Umhverfisviðurkenningar Reykjanesbæjar eru veitt annars vegar einstaklingum og hins vegar fyrirtækjum sem viðurkenning fyrir fallega garða og vel hirtar lóðir og umhverfi. Með viðurkenningum vill Reykjanesbæjar hvetja bæjarbúa til að hugsa vel um nærumhverfi sitt og verðlauna þá sem skara fram út í snyrtimennsku og umhirðu garða sinna.

2. gr

Umhverfis- og skipulagsráð fer með framkvæmd verðlaunanna í samvinnu við starfsmenn Reykjanesbæjar. Auglýst er eftir tilnefningum á vefsíðu bæjarins og er unnið úr þeim nafnlaust. Verðlaunin eru afhent árlega.

3. gr

Auglýst skal eftir tilnefningum í byrjun júní. Ráðið vinnur úr þeim og skoðar garða á fundi sínum í ágúst. Umhverfisviðurkenningar eru afhentar við hátíðlega athöfn á Ljósanótt.

4. gr

Verðlaunaafhendingin er öllum opin og skal tímasetning hennar auglýst skilmerkilega á vefsíðu bæjarins. Bæjarfulltrúum, bæjarstjóra og ráðamönnum er boðið formlega á afhendinguna ásamt verðlaunahöfum. Formaður ráðsins stýrir athöfninni og veitir umhverfisviðurkenningar.

5. gr

Fimm viðurkenningar eru veittar í hvert sinn. Tvær eru bundnar við einkagarða, annars vegar snyrtilegan garð og hins vegar viðhald á eldra húsi, ein við fyrirtæki, ein við samfélagslegt verkefni og ein taki mið að þeim tilnefningum sem berast hverju sinni.

6. gr

Allir garðar og öll fyrirtæki í Reykjanesbæ koma til greina sem verðlaunahafar umhverfisviðurkenninga. Að jafnaði skulu þó líða 5 ár á milli þess sem sami garður eða fyrirtæki getur fengið viðurkenningu að nýju.

Samþykkt á fundi umhverfis- og skipulagsráði 9. júlí 2024.

Staðfest í bæjarstjórn 20. ágúst 2024